



Broj: 09/1-____ /17
Kakanj,____ 2017. godine

INFORMACIJA O STANJU ZAŠTITE OD POŽARA I VATROGASTVU NA PODRUČJU OPĆINE KAKANJ U 2016. GODINI

UVOD

Zaštita od požara i vatrogastvo čine sastavni dio jedinstvenog sistema zaštite i spašavanja ljudi i materijalnih dobara od prirodnih nepogoda i drugih nesreća, koji je uređen Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/3, 22/06 i 43/10) i Zakonom o nadležnostima kantonalnih organa Zeničko-dobojskog kantona u oblasti zaštite i spašavanja ljudi i materijalnih dobara od prirodnih i drugih nesreća („Službene novine Zeničko-dobojskog kantona“, broj: 9/08), pa se zbog toga zaštita od požara i vatrogastvo organiziraju i funkcioniраju u okviru tog sistema, a vrši se i na način predviđen Zakonom o zaštiti od požara i vatrogastvu („Službene novine Federacije BiH“, broj: 64/09) te kantonalnim Zakonom o zaštiti od požara i vatrogastvu („Službene novine Zeničko-dobojskog kantona“, broj: 05/11).

Osnovni nosilac organiziranja i provođenja zaštite od požara je Općina kao jedinica lokalne samouprave i Kanton koji je odgovoran za ta pitanja na području kantona.



ORGANIZACIJA I FUNKCIONIRANJE ZAŠTITE OD POŽARA

U skladu sa obavezama iz člana 16. Zakona o zaštiti od požara i vatrogastvu („Službene novine Federacije BiH“, broj: 64/09), Općina organizuje Profesionalnu vatrogasnu jedinicu Općine, odnosno Grada za gašenje požara, te osigurava kadrovske, materijalne, tehničke i druge uslove koji su potrebni za uspješno i efikasno funkcionisanje te jedinice, u skladu sa ovim zakonom i propisima Općine, odnosno Grada.

Zaštita od požara se organizira i provodi u svim stambenim i drugim zgradama i objektima i na svim prostorima koji se smatraju građevinama prema članu 36. Zakona o prostornom planiranju i korištenju zemljišta na nivou Federacije Bosne i Hercegovine («Službene novine Federacije BiH», br. 2/06, 72/07 i 32/08) i Uredbi o tehničkim svojstvima koje gradevine moraju zadovoljavati u pogledu sigurnosti te načina korištenja i održavanja građevina („Službene novine Federacije BiH“, br. 29/07 i 51/08) koji prema procjeni ugroženosti od požara mogu biti izloženi opasnostima od izbjivanja i širenja požara.

Te građevine i prostori su:

- 1) građevine trajno povezane sa tlom koje se sastoje od građevinskog sklopa ili od građevinskog sklopa i ugrađene opreme, kao i samostalna postrojenja trajno povezana sa tlom,
- 2) saobraćajne, vodoprivredne i energetske građevine i površine sa pripadajućim instalacijama, telekomunikacijske građevine i instalacije, građevine i instalacije komunalne infrastrukture,
- 3) proizvodne i druge privredne građevine i postrojenja, skladišta, sajmišta i slične građevine,
- 4) objekti na vodnim površinama (ribogojilišta, plutajuće platforme i sl.);
- 5) trgovi, javne površine, javne zelene površine, igrališta, sportske građevine, groblja, deponije otpadaka, javne pijace, skloništa i slične građevine.

Zaštita od požara se organizira i provodi i za šume, šumska i poljoprivredna zemljišta i ostale prirodne resurse. Zaštitu od požara dužni su da organiziraju i provode pravna i fizička lica, državni organi Federacije, kantona, grada i općine i druge institucije koji su vlasnici ili korisnici građevina i prostora (vlasnici ili korisnici građevina i prostora). Zaštitu od požara dužni su da organiziraju i provode i građani u svojim stanovima i stambenim zgradama (kućama) i drugim objektima i prostorima koje koriste za potrebe.

Federalno ministarstvo unutrašnjih poslova i kantonalna ministarstva unutrašnjih poslova vrše poslove inspekcijskog nadzora nad provođenjem mjera zaštite od požara određenih federalnim zakonom („Službene novine Federacije BiH“, broj: 64/09) i planovima zaštite od požara, kao i nad provođenjem propisa o tehničkim normativima i standardima koji se odnose na zaštitu od požara. Inspektorji organa unutrašnjih poslova dužni su pri vršenju inspekcijskog nadzora ostvarivati odgovarajuću saradnju sa inspektorima iz Federalne, odnosno kantonalne uprave civilne zaštite u cilju rješavanja pitanja od zajedničkog interesa.

ORGANIZACIJA I FUNKCIONISANJE VATROGASTVA

Na području općine Kakanj formirana je Profesionalna vatrogasna jedinica Kakanj (u daljem tekstu: PVJ Kakanj) koja broji 21 profesionalna vatrogasca sa sjedištem u Doboju u ul. Imamovića br.1. Jedinica je smještena u Vatrogasnem domu Dobojski koji je sagrađen u skladu sa standardima i u potpunosti odgovara potrebama i radu vatrogasne jedinice. Pored navedenog, renoviran je i Vatrogasnji dom u Kraljevoj Sutjesci koji se povremeno koristi i u njemu nemamo stalno vatrogasno dežurstvo.

Pored PVJ Kakanj na području općine Kakanj djeluje i Udruženje „Vatrogasno društvo Kakanj“ Kakanj, smješteno na adresi Imamovića br.1, naselje Dobojsko, općina Kakanj i koje ima 25 vatrogasaca. Pored navedenih, u sklopu JP EP BiH – Podružnica TE „Kakanj“ Kakanj, postoji formirana i Služba za sigurnost i zaštitu TE „Kakanj“ koja broji 7. vatrogasaca.

Rad Profesionalne vatrogasne jedinice Kakanj organiziran je na temelju stalnih dežurstava i to tako da se u stalnom dežurstvu nalaze po tri ili četiri uposlena vatrogasca. Dojava požara se može vršiti telefonom i lično. Pored telefona 123 (032/558-793) je prisutan dežurni vatrogasac koji zaprima pozive, iste evidentira u knjigu dežurstva i poziva ostale članove Profesionalne vatrogasne jedinice radi eventualne intervencije.

Kada se Profesionalna vatrogasna jedinica Kakanj obavijesti o požaru na mjesto događaja izlazi dežurna ekipa vatrogasaca dok se druga grupa stavlja u pripravnost pozivom od strane rukovodioca smjene. U slučajevima većih požara rukovodilac akcije gašenja požara vrši procjenu i obavještava starješinu PVJ Kakanj o potrebi angažovanja ostalih pripadnika PVJ Kakanj.

Ako starješina vatrogasne jedinice koji rukovodi akcijom gašenja ocijeni da angažiranim jedinicom, sredstvima i opremom nije u mogućnosti uspješno završiti intervenciju, o tome odmah obavještava rukovodioca službe civilne zaštite Općine. Rukovodilac te službe dužan je odmah na osnovu raspoloživih podataka odlučiti o angažiranju ispostave zajedničke PVJ Kantona i dobrovoljnih vatrogasnih jedinica sa područja općine na gašenju požara.

Ako angažirane vatrogasne jedinice nisu dovoljne za izvršenje vatrogasne intervencije, u tom slučaju rukovodilac Službe civilne zaštite dužan je odmah naređiti angažiranje odgovarajućih snaga civilne zaštite koje je organizirala općina i istovremeno vrši aktiviranje općinskog Štaba civilne zaštite radi rukovođenja akcijom zaštite i spašavanja na području ugroženom požarom što Štab civilne zaštite vrši na način kako je to utvrđeno članom 95. Federalnog Zakona o zaštiti od požara i vatrogastvu („Službene novine Federacije BiH“, broj: 64/09).

STANJE OPREMLJENOSTI PROFESIONALNE VATROGASNE JEDINICE KAKANJ

Opremljenost PVJ Kakanj treba da bude takva da omogućava uspješno obavljanje vatrogasne djelatnosti a izbor opreme i sredstava zavisi od procjene ugroženosti od požara i požarnog opterećenja općine.

Kontinuirano se radi na materijalnom opremanju PVJ Kakanj i svake godine se nabavi određena tehnička i zaštitna oprema. Tako je u 2016. godini nabavljena namjenska oprema u vrijednosti 50.379,50 KM iz sredstava naknada za zaštitu od požara u 2016. godini i to:

- Čamac i oprema za posadu od šest (6) članova za spašavanje na vodi i pod vodom,
- Pumpa muljarica,
- Vatrogasno intervencijsko odijelo (5 komada),
- Mehaničarski alat,
- Radne hlače, cipele, majice (22 komada),
- Kosilica i trimer, te ostala namjenska oprema.

Između ostalog kupljeno je i terensko vozilo – četverotočkaš QUAD uz dodatnu opremu i to: (prikolica, gratalica za snijeg, vitlo, kugla).

U 2017.godini za Profesionalnu vatrogasnou jedinicu Općine Kakanj je planirana nabavka i to:

- Puška AFT,
- Oprema za posadu čamca,
- Nosila,
- Kombinezoni radni,
- Vatrogasne ljestve dvodijelne na izvlačenje,
- Ugljen dioksid i dušik,
- Naljepnice (velike, male za CO₂)
- Rezna ploča za željezo,
- Te određen broj vatrogasnih opasača, vatrogasnih zaštitnih čizmi, vatrogasnih šljemova, vatrogasni džempera, radna jakna i druga vatrogasna oprema.

Uz investicionu izgradnju i održavanje opreme i sredstava planirana je i nabavka Službenog vozila za potrebe Službe civilne zaštite Općine Kakanj, pokretni kreveti (ležajevi na duvanje) u slučaju velikog broja zbrinjavanja ugroženih nastalih prirodnom nesrećom i nabavka profesionalnog dvogleda kao i druga potrebna oprema.

U tabeli u nastavku dat je pregled materijalno - tehničkih sredstava koja su na raspolaganju vatrogasnim jedinicama na teritoriji općine Kakanj uključujući PVJ Kakanj i Udruženje „Vatrogasno društvo Kakanj“ Kakanj.

Redni broj	Naziv opreme	Količina opreme (kom)
Lična oprema vatrogasca		
1	Izolacioni aparati	11
2	Mobilne radio stanice	3
3	Ručne radio stanice	9
4	Stabilne radio stanice	1
5	Radni opasači	22
6	Svečane uniforme	2
7	Zaštitne uniforme	22
8	Radne uniforme	22
9	Šljemovi	22
10	Zaštitne čizme	22
11	Zaštitne cipele	22
Vatrogasna vozila		
12	Navalno kombinovano	1
13	Cisterne	3
14	Tehnička vozila	2
15	Automehaničke ljestve 30m	1
Ostala oprema		
16	Pumpe 400-600 l/min HONDA	3
17	Pumpe 800 l/min i više ROSEN – ZIEGL.	2
18	Elektrogenerator	2
19	Pila za beton	1
20	Čamci	3
21	Top - monitor	1
22	Brentača	1
23	Naprtnjača	15
24	Kukače	1
25	Rastegače	2
26	Mehaničke	2
27	Ø 52 mm/ metara	450
28	Ø 75 mm/ metara	200
29	Pila za drvo	2
30	Pumpa muljarica	1

STANJE OPREMLJENOSTI SSIZ JP EP BiH – PODRUŽNICA TE „KAKANJ“ KAKANJ

Budući da u sastav vatrogasnih snaga općine Kakanj pored Udruženja „Vatrogasno društvo Kakanj“ Kakanj ulazi i Služba za sigurnost i zaštitu TE „Kakanj“ u nastavku je dat pregled MTS- a koje posjeduje ova Služba.

Redni br.	POPIS VATROGASNE OPREME SSIZ TE „KAKANJ“
1	Vozilo kombi VW, Godište 1998, snaga 55 KW, Dizel
2	Vozilo tam – 5500, kombinovano voda/pjena, godina proizvodnje 1972, broj sjedišta 7
3	Vozilo Fap – 13 S prah 4.000 kg, godina proizvodnje 1979, broj sjedišta 3
4	Vatrogasna pumpa – Prenosna ruggerini, dizel L/ 1min:800 Bara:8, Obrtaja:2800/ 1min, godina proizvodnje 2004, tip:RD270
5	Vatrogasna pumpa Wolsvagen ziegler benzin polo, tip din en 1928 FPN 10/1000 – 10/1500 MIN 4980/5250 L/1 min 1000/1500 bara 17 Pa/min – bara 10.
6	Ostala vatrogasna oprema i sredstva (naprtnjače, izolacioni aparati, PRO – PAK za gašenje požara pjenom i ostala stabilna vatrogasna oprema).

Udruženju „Vatrogasno društvo Kakanj“ Kakanj na osnovu Odluke Općinskog vijeća o davanju na privremeno korištenje prostorija Vatrogasnog doma Dobojskih vojnika, date su prostorije na period od pet (5) godina bez naknade a koje su isti opremili za svoj rad. Ovo Udruženje posjeduje zaštitnu opremu za vatrogasce ali ne raspolaže sa voznim parkom.

Na 38. sjednici Općinskog vijeća Kakanj, održanoj 29. 12. 2015. godine usvojena je ažurirana planska dokumentacija iz oblasti zaštite od požara – Procjena ugroženosti i Plan zaštite od požara općine Kakanj.

U Planu zaštite od požara Općine odnosno Kantona određuju se pravna lica koja su dužna osnovati sopstvenu dobrovoljnu ili profesionalnu vatrogasnu jedinicu ili na drugi način osigurati zaštitu od požara. To su pravna lica u kojima se proizvode, prerađuju, distribuiraju ili skladište zapaljive, eksplozivne i ostale opasne materije, shodno članu 81. Zakona o zaštiti od požara i vatrogastvu („Službene novine Zeničko-dobojskog kantona“, broj: 05/11, u daljem tekstu: ZOP ZDK), u kojima zbog djelatnosti koje obavljaju postoji povećana opasnost od nastanka požara ili eksplozija, što se reguliše na osnovu odredbi člana 23. istog Zakona koji govori o razvrstavanju građevina u odgovarajuće kategorije ugroženosti od požara.

Pored benzinskih pumpi koje su po članu 23. ZOP ZDK svrstane u kategoriju požarne ugroženosti PU1 i sljedeća pravna lica na području općine Kakanj spadaju u PU1:

- JP EP BiH – Podružnica TE „Kakanj“ Kakanj
- JP EP BiH – ZD RMU „Kakanj“ d.o.o. Kakanj
- JP ŠPD ZDK d.o.o. Zavidovići – PJ Kakanj
- Tvornica cementa Kakanj d.d. Kakanj
- Delibašić – Poliuretani d.o.o. Kakanj
- Plama - Pur BH d.o.o. Kakanj
- JP Željeznice FBiH d.o.o. Sarajevo – PJ Kakanj
- JP Autoceste FBiH d.o.o. Mostar, - A1

Pored PVJ Kakanj i Udruženja „Vatrogasno društvo Kakanj“ Kakanj, formiranu Službu za sigurnost i zaštitu ima samo JP EP BiH – Podružnica „Kakanj“ Kakanj koja broji 7 vatrogasaca i koja sa Općinom Kakanj odnosno Službom civilne zaštite ima sklopljen tenderski ugovor o pružanju ispomoći 5 pripadnika PVJ na poslovima SSIZ-a kao i JP Autoceste FBiH d.o.o. Mostar koja ima formiranu vatrogasnu jedinicu.

Ostali privredni subjekti koji su navedeni u kategoriju požarne ugroženosti PU1 prema raspoloživim podacima nemaju formiranu profesionalnu ili dobrovoljnu vatrogasnu jedicu ili na drugi način osiguranu zaštitu od požara, niti imaju sklopljen ugovor sa Općinom Kakanj odnosno Službom civilne zaštite oko pružanja vatrogasnih usluga.


INTERVENCIJE PROFESIONALNE VATROGASNE JEDINICE

Prema podacima sa kojima raspolaže Služba civilne zaštite općine Kakanj i PVJ Kakanj u 2016. godini na području općine Kakanj u periodu od 01.01. do 31.12.2016. godine je evidentirano ukupno **136** požara i **43** intervencija za prevoz vode i sapiranje.

U tabeli u nastavku je dat pregled požara i intervencija u 2016. godini po vrsti/tipu požara:

Vrsta intervencije	Broj intervencija
Stambeni objekti	6
Gašenje dimnjaka	18
Gašenje zapaljenih automobila	8
Gašenje stogova sijena	1
Gašenje smeća u kontejnerima	23
Otvoreni požari (nisko rastinje, trava)	26
Tehničke intervencije	21
Deponija smeća	0
Pomoćni objekti	9
Plinske boce	0
Šumski požari	15
Požari elektro instalacija	3
Elementarne nepogode	1
Saobraćajna nesreća	1
Požar štala	1
Lažna dojava	3
UKUPNO	136
Prevoz vode i sapiranje	43

Pregled požara po vrsti/tipu u 2016. godini



Iz tabelarnog pregleda se vidi da je najveći broj intervencija zabilježen na gašenju otvorenih požara (nisko rastinje, trava) posebno u periodu od februara do maja. Ugradnjom podzemnih kontejnera smanjio se broj požara u kontejnerima, dok u zadnje dvije godine primijećen je povećan broj požara dimnjaka na stambenim objektima.


Služba CZ tokom cijele godine a posebno u proljetnim mjesecima poduzima niz mjera u cilju smanjenja ove pojave. Redovno se vrši obavještavanje i upozoravanje građana putem lokalnih medija, upućuju dopisi savjetima mjesnih zajednica i relevantnim subjektima (Policjska stanica, Šumarija, inspekcije) kao preventivne mjere a za pojedinačne slučajeve traži se od inspekcija shodno Odluci o organiziranju i funkcioniranju zaštite od požara i vatrogastvu („Službene novine Općine Kakanj“, broj: 06/13) da djeluju i represivno u cilju smanjenja ovih požara.

U toku 2016. godine iako nisu zabilježeni duži sušni periodi i visoke temperature bili su izraženi problemi u vodosnadbijevanju na lokalitetima naselja: „, Ričica, Usijeli, Slapnica, Pavlovići, Hausovići, Koprivnica i Škomlići “ gdje je bila intenzivirana doprema vode dok je u nekim drugim mjesnim zajednicama bilo manje odvoza vode.


U tabeli u nastavku dat je pregled požara po vrsti/tipu u periodu od 7 godina:

Vrsta intervencije	Broj intervencija							Požar po vrsti intervencije
	2010	2011	2012	2013	2014	2015	2016	
Stambeni objekti	12	20	8	3	12	12	6	73
Gašenje dimnjaka	3	1	7	1	9	12	18	51
Gašenje zapaljenih automobila	3	6	6	22	4	12	8	61
Gašenje stogova sijena	1	3	3	2	3	8	1	21
Gašenje smeća u kontejnerima	15	37	58	29	29	36	23	227
Otvoreni požari (nisko rastinje, trava, borova šuma)	26	37	54	11	26	35	26	215
Tehničke intervencije	22	40	20	22	19	6	21	150
Deponija smeća	19	40	0	4	12	8	0	83
Pomoćni objekti	0	0	0	0	0	0	9	9
Industrijski objekti	0	6	4	2	4	4	0	20
Plinske boce	0	2	0	0	0	1	0	3
Željeznički pragovi	1	0	0	0	0	0	0	1
Šumski požari	24	95	95	13	20	17	15	279
Požari elektro instalacija	0	3	3	2	1	3	3	15
Gašenje zapaljenih kamiona	0	3	0	0	6	0	0	9
Elementarna nepogoda	21	9	3	7	17	6	1	64
Saobraćajna nesreća	13	6	13	8	5	2	1	48
Požar štala	8	6	12	1	3	2	1	33
Lažna dojava	2	0	3	2	2	1	3	13
Željeznička lokomotiva	0	0	0	0	1	0	0	1
Prevoz vode i sapiranje	0	158	162	4	33	60	43	460
Ukupno intervencija po godinama	170	472	451	133	206	225	179	
UKUPNO INTERVENCIJA U 7 GODINA								1836


Intervencije PVJ u vremenskom periodu 2010-2016




Stambeni objekti




Šumski požari




Gašenje smeća u kontejnerima



Otvoreni požari (nisko rastinje, trava)



Gašenje smeća u kontejnerima



PRIJEDLOG MJERA ZA POBOLJŠANJE STANJA ZAŠTITE OD POŽARA U OPĆINI KAKANJ

Općina Kakanj treba u kontinuitetu nastaviti opremanje i osposobljavanje PVJ Kakanj za izvršenje zadatka iz oblasti zaštite od požara i vatrogastva u skladu sa Pravilnikom i Okvirnim ličnim i materijalnim formacijama. Pored sredstava od naknade za vatrogastvo u skladu sa Odlukom o organiziranju i funkcioniranju zaštite od požara i vatrogastva („Službene novine Općine Kakanj“, broj: 06/13) treba iznaći mogućnosti izdvajanja budžetskih sredstava za nabavku i obnovu vozog parka PVJ Kakanj, a prvenstveno navalnog vozila za gašenje požara voda – pjena.

Kontinuirano provoditi sve propisane preventivne mjere u oblasti zaštite od požara, posebno u stambenim objektima i javnim objektima gdje se očekuje veći broj građana, one koje doprinose sprečavanju izbijanja šumskih požara, požara na otvorenom prostoru i drugih vrsta požara.

Prema Federalnom zakonu zaštite od požara i vatrogastvu („Službene novine Federacije BiH“, broj: 64/09), shodno članu 26. istog Zakona, Općinsko odnosno gradsko vijeće svojom odlukom uređuje organizaciju i rad dimnjačarske djelatnosti, rokove čišćenja dimnjaka, uslove za vršenje dimnjačarske službe i druga pitanja od značaja za obavljanje dimnjačarske djelatnosti te obavljanje nadzora nad radom dimnjačarske službe. U tom kontekstu neophodno bi bilo urediti odgovarajući rad dimnjačarske službe.

Za učinkovito i uspješno djelovanje vatrogasaca od trenutka uzbunjivanja, početka intervencija, lokaliziranja i gašenja požara, potrebno je uz dosadašnji sistem veza i broj stabilnih, mobilnih i prenosnih uređaja, raditi na nadogradnji tog sistema i nabavci novih modernijih uređaja za potrebe vatrogasnih jedinica Općina Kakanj treba da radi na dodatnom popunjavanju i podmlađivanju kadrova i njihovom adekvatnom obučavanju, opremanju i osposobljavanju.

Pravna lica dužna su svojim općim aktom a u skladu sa vrstom djelatnosti koju obavljaju i procesom rada, urediti pitanja koja se odnose na organizaciju i funkcioniranje zaštite od požara u svojim objektima i to sukladno odredbama člana 24. ZOP ZDK. Pravna lica koja da sada nisu izradile opći akt odnosno Pravilnik o zaštiti od požara, isti moraju što prije izraditi. Za provođenje preventivnih mera zaštite od požara moraju raspoređiti zaposlenika koji je obavezan položiti ispit za protivpožarnu zaštitu po posebnom propisu pred nadležnom komisijom. U svim pravnim licima gdje postoji opasnost od požara i eksplozija, kao i građevinama i prostorima gdje se okuplja ili boravi veći broj ljudi, obavezno sprovoditi sistem aktivne zaštite od požara.

Prema Federalnom zakonu zaštite od požara i vatrogastvu („Službene novine Federacije BiH“, broj: 64/09). a u članu 88. istog zakona određuju se pravna lica koja su dužna osnovati vatrogasnu jedinicu ili na drugi način osigurati zaštitu od požara. Obavezu iz člana imaju pravna lica u kojima se proizvode, prerađuju, distribuiraju ili skladište zapaljive, eksplozivne i ostale opasne materije, u kojima zbog toga postoji povećana opasnost od požara ili eksplozija, što se određuje prema propisu iz člana 29. stav 2. ovog Zakona.

Periodične akcije uređenja naselja i objekata (čišćenje terena, podruma i drugih mesta od zapaljivih otpadnih tvari) te sezonskih radova (uređenje zemljišta i spaljivanje otpadaka) se trebaju provoditi najmanje jednom godišnje u saradnji sa nadležnim JP „Vodokom“d.o.o. Kakanj koje se bavi odvozom otpadaka i Savjetima mjesnih zajednica kako bi se preventivno djelovalo u smislu zaštite od požara o čemu se obavještava Služba civilne zaštite. Inicirati aktivnosti da se u svim stambenim

objektima postave aparati za gašenje početnih požara te da se isti redovno servisiraju, što je najbolja preventiva za sprečavanje širenja požara u ovim objektima.

U skladu sa programiranjem razvoja zaštite od požara i vatrogastva potrebno je kontinuirano raditi na razvijanju svijesti odnosno edukaciji građana u cilju podizanja nivoa zaštite od požara i vatrogastva.

S poštovanjem !

**Pomoćnik Općinskog načelnika
Službe civilne zaštite**

Nurudin Hrusto